

KEY KIS KAB MOB LOS NTAWM ZUAM TOM



Kev kis kab mob los ntawm zuam tom (POWV) yog ib hom mob nkeeg uas kis mus rau tib neeg nyob hauv xeev Wisconsin los ntawm zuam (pheej nyiam hu ua zuam dub ceg los sis zaum mos lwj). POWV nws muaj tsawg tab tsis tuaj yeem ua tau mob nkeeg loj. Nyob rau Teb Chaws Mes Kas, nws muaj ntau tshaj 100 xwm txheej lawm nyob rau 10 xyoo dhau los. Thaj tsam li ib nrab ntawm cov dim los ntawm POWV yuav muaj cov yam ntxwv mob nrog nws mus tag ib txhis xws li nquag mob tob hau zoo tsis tu qab li, nkees-nkees los sis leeg tsis muaj zog, thiab muaj teeb meem cim xeeb tsis zoo. Txhua leej tuaj yeem tau txais POWV, tab sis leej twg uas nquag tawm rooj mus sab nrauv yuav muaj feem raug zuam tom dua.



Dab tsi tsim ua rau muaj nws?

- ▶ POWV yog kis mus rau tib neeg los ntawm kev raug zuam dub ceg tom. Cov zuam yuav muaj nyob rau hauv cheeb tsam uas muaj ntoo, ceg ntoo, los sis muaj nroj siab.
- ▶ POWV yuav vam coob nyob rau lub caij nplooj ntoo hlav, lub caij ntuj sov, thiab lub caij nplooj ntoo zeeg cov zuam laus thiab cov zuam mos uas loj tiav lawm yuav loj mus ua zuam tom. Qhov muaj feem pheej hmoo siab tshaj yog nyob rau lub caij nplooj ntoo hlav thiab thaum pib lub caij ntuj sov, thaum cov zuam uas loj tiav lawm yuav tawm coob heev. Cov tib neeg yuav tsis paub txog tias lawm raug zuam tom lawm vim tias cov zuam ceg dub uas loj txaus lwm nws me heev, qhov loj luaj li lub noob yeeb xwb.

Cov tsos mob thiab cov yam ntxwv mob muaj dab tsi?

Muaj coob tus neeg kis mob POWV yuav tsis hnov muaj tsos mob los sis yam ntxwv mob. Thaum qee tus neeg muaj cov yam ntxwv mob, ces feem ntau twb yog 1-4 lub lim piam lawm tom qab uas lawv raug zuam tom.

Cov Yam Ntxwv Mob Tsis Loj

- ▶ Ua npaws
- ▶ Mob tob hau
- ▶ Ntuav
- ▶ Tsis muaj zog

Cov Yam Ntxov Mob Loj

- ▶ Paj hlwb thiab yag txha
- ▶ Hnov qab
- ▶ Tsaus muag
- ▶ Tsis meej pem
- ▶ Cim xeeb tsis zoo
- ▶ Tuag (nyob rau 10% ntawm cov uas mob)



Cov hauv kev kho mob muaj dab

Tsis tau muaj tshuaj tiv thaiv POWV li. Yog tias cov yam ntxwv mob yog mob loj lawm, tus neeg ntawd yuav tau mus rau tom tsev kho mob rau kev saib xyuas kho mob.

Yuav tiv thaiv li cas?

Coj raws cov kauj ruam no los txo koj qhov pheej hmoo ntawm kev raug zuam tom.

- ▶ Thaum tawm rooj mus sab nrauv, hnav tsho npab ntev, hnav ris ntev, thiab rau hnav looj taw kom ntev thiab muab lub ceg nris khi zawm nrog lub hnav looj taw. Hnav cov khaub ncaws kom kaj-kaj kom pom cov zuam meej.
- ▶ Mus taw yuav tau mus hauv plawv kev thiab tsis txhob txhuam mus raws cov tauv nroj thiab cov nroj siab.
- ▶ Pleev tshuaj tiv thaiv kab DEET 20-30%, los sis siv tshuaj permethrin 0.5% rau ntawm tej khaub ncaws. Coj raws li cov lus qhia uas lub chaw tsim sau lo rau. Nrhiav yam [tshuaj tiv thaiv kab hom kom haum rau koj](#) nyob rau hauv Lub Koom Haum Pov Thav Huab Cua Ib Puag Ncig (Environmental Protection Agency, EPA) lub vas sab.
- ▶ Koj yuav tau txheeb xyuas zuam los ntawm koj tus kheej thiab lwm tus tom qab mus sab nrauv los thiab tshem cov zuam tawm tam sim.
- ▶ Da dej tom qab los sab nrauv los txhawm rau tshem cov tshuaj tiv thaiv kab tawm thiab tshem cov zuam tawm ntawm koj lub cev.
- ▶ Muab cov khaub ncaws uas hnav sab nrauv los tso rau hauv lub tshuab ua kom qhuav tso kom kub nyob rau yam tshawg kawg yog 10 feeb los tua cov zuam uas muaj los nrog uas tseem lo rau ntawm cov khaub ncaws.

TXOJ HAUV KEV TSHEM TUS ZUAM TAWM:

